

- 37 -

Dernskridoù Milin : Kanaouennoù

11. (IANN A ZO EAT DA POMPILLER)

Iann a zo eat da Pompiller
da gerc'hat dour gant he bicher
pevar ugent leo zo ac'haleñ di
n'ouzoun dare peur e tistroi

Dousik ar c'hrek pen deuz klevet
d'ann ti affo zo diredet
hag out-hi en deuz goulennet
- Iann da beleac'h ez eo eet ?

Iann a zo eat da Pompiller
da gerc'hat dour gant he bicher
pevar ugent leo zo ac'haleñ di
ne oar dare peur e tistroi.

Iann war ann hent p'edo 'vonet
eur gwerraer gant-han zo erruet
hag oc'h Iann en deuz goulennet:
- da belec'h ez it-hu, leveret ?

- da gerc'hat dour d'ann grek duze
a zo klan fall war he gwele.
ar gwerraer pen deuz her c'hlevet
da Iann en deuz lavaret :

-ho kreg ne deuz ket a glenved
deut ganen-me ma n'em c'hredet,
deut em faner-me da guzet
ha me 'iel enn ti da velet.

gant eur potr iaouank eo kousket.
Hag en ti paz eo erruet
noz vad en deuz lavaret :
- noz vad da dud ann ti man
ha me vezo koaniet aman ?

ar c'hrek e deveuz respountet° °a-us : lavaret
dar gwerraer pe deuz he glevet:
- deut da doma etal ann tan
da c'hedal ma vo dare koan.

- 38 -

oc'h an daol paz int azezet
 da gana ez int en em lekeet
 ho c'hanouen p'ho deuz kanet
 ar gwerraer en deuz lavaret :

 - Me meuz eur c'hillog em faner
 hag (a) oar kana ge ha kaer.
 Iann pen deveuz her c'hlevet
 euz he baner zo dilammet.

 Da c'hoari 'r vaz zo em lekeet
 ha gant Janned eo komanset
 Ar paotr (iaouank) dre'r prenestr zo lammet
 ha Iann d'he c'hrek en deuz lavaret :

 - diviz etrezomp a vezo greet
 ne chommin ket ganeoc'h Janned

vvvvvvvvvv

(Keñveriañ Penwern 112, follenn 14, niv. 468 : Ed e
Ian da Pompillier)